

Uburyo bwo gusenga bwemerwa n'Imana (Igice cya 1)

Bishingiye ku gice cya 15 cy'igitabo *Ni iki mu by'ukuri Bibiliya yigisha?* kiboneka ku rubuga rwa jw.org/rw.

INTEGO: Suzuma ibyo wizera n'impamvu ubyizera, usuzume icyo Bibiliya yigisha, maze urebe uko wasobanurira abandi ibyo wizera.



MBESE AMADINI YOSE ASHIMISHA IMANA?

1 SUZUMA IBYO WIZERA

Kuki hari ababyemera?

Kuki hari ababihakana?

Wowe wizera ko bimeze bite?

Kuki ari uko ubyemera?

2 SUZUMA ICYO BIBILIYA YIGISHA

Tugomba gusenga Imana mu buryo yemera.


(Reba igitabo *Icyo Bibiliya yigisha*, igice cya 15 paragarafu ya 1-4.)

Soma muri Matayo 7:21-23.

Ukurikije ibyo Yesu yavuze, kuki *kuvuga* gusa ko umwizera cyangwa ko wizera Se bidahagije?

Soma muri Matayo 7:13, 14.

Kuki tutagombye gutangazwa no kuba abantu benshi batazi idini ry'ukuri?



Iyo uzi neza ibiranga amafaranga nyayo, birakorohera kumenya amafaranga y'amiganano. Ubwo rero iyo tuzi neza ibiranga idini ry'ukuri, biratworohera gutahura iry'ikinyoma

Abantu bari mu idini ry'ukuri bagaragarira ku myifatire yabo n'imyizerere yabo.

(Reba igitabo *Icyo Bibiliya yigisha*, igice cya 15 paragarafu ya 5-14.)

Soma muri Zaburi ya 83:18, Matayo 20:28 no muri 2 Timoteyo 3:16, 17.

Abakristo b'ukuri bizera iki ku bihereranye n'Imana, Yesu na Bibiliya?

Soma muri Matayo 24:14, Mariko 12:17 no muri Yohana 13:35.

Abagaragu b'Imana bagaragaza bate mu mibereho yabo ko bari mu idini ry'ukuri?

Ni iki *kikwemeza* ko idini ry'Abahamya ba Yehova ari ryo ry'ukuri?

3

SOBANURIRA ABANDI IBYO WIZERA

NIBA UMUNTU AKUBWIYE ATI...

Muri buri dini hazavamo umugeni.

USHOBORA KUMUSUBIZA UTI...

Ni byo koko hari *abantu* bafite imitima itaryarya wasanga muri buri dini. icyakora nemera ko idini rimwe ari ryo Imana yemera kubera ko...

Ni uwuhe murongo w'ibyanditswe wasomera uwo muntu?

Ni mu buhe buryo wafasha uwo muntu gutekereza kuri uwo murongo, uzirikana uko abona ibintu?

NIBA UMUNTU AKUBWIYE ATI...

Ndi mu idini rifite abayoboke benshi ku isi. Ubwo se abo bantu bose baba barayobye?

USHOBORA KUMUSUBIZA UTI...

Abantu benshi ni uko babibona. Ariko jye si ko mbibona kubera ko...

Ni uwuhe murongo w'ibyanditswe wasomera uwo muntu?

Ni mu buhe buryo wafasha uwo muntu gutekereza kuri uwo murongo, uzirikana uko abona ibintu?
